

Schnee in Flerschem

No, doo iss doch omm Sunndaach e bissi Schnee in Flerschem erunner kumme, unn wie isch omm Fensder enaus in de Gadde geguggd unn de Schnee geseh habb, iss merr oigefalle, wies frieher ab unn zu gewese iss.

Su als Buwe odder junge Männer sinn merr owends zum Rodele onn de Wickerer Berrsch gonge, sinn uffem Schlidde midde uff de Strooß enunnergefahnn unn sinn als widder enuff gedabbd unn widder enunnergefahnn.

Heitzedaach kann merr sich doodriwwer nor wunnern, weil de erst emol bleibt koon Schnee mieh uff de Strooß leie und donn fahnn su vill Audos zwische Flerschem unn Wicker de Berrsch erunner unn enuff, wer kennt doo noch rodele. Unn wensn werklisch emol iwwer Nacht e paar Sontimeder Schnee gewwe dut, kimmt gleich de Schneeplogg unn dut de gonse Schnee uff die Seit schiewe.

Späder war donn de Domm hinner de Erlebeem gut ferrs Schliddefahnn mett unserne Kinner, unn isch unn e paar onnern als Vadder, als mir noch gut druff gewese sinn, hawwe uns mett e paar Mol de Domm enunner schleife e schee glatt Schleifbohn gemacht, die sinn merr uffrechd enunner geschliffe. Doodebei sinn merr ab unn zu mol uff de Hinnern gefalle, hawwe uns awwer nitt wieh gedue.

Unn ab unn zu hott nooch ooner kloone Iwwerschwemmung aach Moowasser uff de Moowisse gestonne unn wie dess gefromn war, konnte merr doo gut Schlittschuh laafe. Unser Schlittschuh doomols hawwe mir mett su emm Extra-Schlissel onn unserne Schuh festschrauwe misse, aach omm Absatz, der donn leicht abgerisse iss.

Unn frieher unn doch noch in moiner Zeit als Bub iss de Moo noch alle paar Jahr zugefronn unn monschmol hawwe, noochdem dess Eis uffgebroche war unn vill Moowasser hinnerherkumme iss, große Eisscholle bis onn die Mauer vumm Herrsch unn unne vorm Gänskippel geleh.

Aach habb isch de Oidrugg, dasses doomols monschmol drei oder vier Woche hinnernonner zimmlisch kalt gewese iss, awwer su Wedderlaache duts heit aach nimmi gewwe: Uff zwaa Daach mett minus 2 kumme donn zeh Daach mett plus 10 Grad, es iss halt su.

Unn doomols drauße im Feld beim Spaziergieh hott merr im Schnee immer Spurn geseh, Trittsiegel wie die Jeescher saache, die mir als Flerschemer Buwe aach lese konnte: Vumm Fuchs, Karniggel, Has, Fasan unn Rebhinkel, weil all sinn se onnersders unn doo konnt merr sich gut vorstelle, wie die oone Kraut unn der onnere die Krautfresser esse wolde. Awwer Has, Fasan unn Rebhinkel sinn joo bei uns su rar worrn, dass merr heitzedaach Gligg hawwe misst, im Schnee e paar Spurn vunn dene ze entdecke.

No ja, vor e paar Jahr hott merr gemoond unn aach geschriwwe unn im Fernseh vermeld, dass ess nitt nor im Taunus odder in de Rhön koon Schnee mieh gewwe deet, naa, aach in de Alpe deets vill wenischer werrn, de Klimawonnel deets verhinnern.

Dissjahr hotts zwar iwwerall, vunn de Ostsee bis zu de Alpe, bis jetz schunn enn Winder mett vill Schnee unn Kält gewwe, awwer trotzdem soll merr nitt glaawe, dasses in de Welt nimmi wärmer werrn deet. Oh doch, ess werrd wärmer, jed Jahr e bissi mieh, unn in e paar Jahr, nooch de Zeit vunn uns Alde, werrd kooner mieh die Hitze-Katastroph uffhale kenne.

Eiern Honnes